

Bibilia ya watoto Inaleta



Mtu atumwa kutoka kwa Mungu



Kimeandikwa na: Edward Hughes
Kimeorodheshwa na: Alastair Paterson; Byron
Unger; Lazarus
Imerekebishwa na: E. Frischbutter; Sarah S.
Kimetafsiriwa na: Grace Chepkoech
Kimedhibitishwa na: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2022 Bible for Children, Inc.

License: Kuna ruhusa ya kuchapa hadithi hii, lakini bila ya kuuza.

1

Siku moja ndani nya hekalu ya Mungu, kuhani
mzee aliyeitwa Zakaria alikuwa akitoa
sadaka. Nje, watu walikuwa wakiomba.
Mara tu, Zakaria akaanza kutetemeka.



2

Malaika alikuwa amekuja. "Usiogope," akamwambia. "Mungu amenituma. Mke wako atapata mwana. Mtamwita Yohana. Yeye atajawa na Roho Mtakatifu kutoka kuzaliwa kwake. Yeye ataweleta wengi kwa Bwana."



3

"Zungumza nasi Zakaria." Watu waliokuwa nje wakasema. Hawakujua kuwa malaika Gabrieli alisema kuwa Zakaria hangeweza kuzungumza hadi mtoto yule atakapozaliwa kwasababu hakuamini neno lile kutoka kwa Mungu. Alidhani kuwa mke wake alikuwa mzee



sana kuzaa mtoto.

4

Nyumbani, Zakaria akaandika yote aliyoambiwa na malaika. Elisabeti, mke wake akastaajabu. Walikuwa wameomba kupata mtoto. Je, ingefanyika sasa?



5

Baada ya muda mfupi Elisabeti akajua kuwa angezaa mtoto. Hapo akamsifu Mungu. Siku moja jamaa yake, Maria akamtembelea. Maria pia alikuwa akitarajia kuzaa mtoto.



6

Maria alipofika, Elisabeti akamhisi mtoto akiruka kwa shangwe ndani ya tumbo yake. Elisabeti akajazwa na Roho Mtakatifu. Alijua mtoto wa Maria angekuwa Bwana Yesu Kristo. Pamoja wanawake wale wawili wakamsifu Mungu kwa furaha.



7


Mwana wake Elisabeti akazaliwa kama vile Mungu aliahidi. "Mwite Zakaria kama babake," kuhani wengine walisema. Zakaria akakumbuka Mungu alivyosema. "La! Jina la mtoto ni Yohana." Wakati Zakaria alimaliza kuandika maneno haya, kinywa chake kikafunguliwa na akaweza kuzungumza tena. Halafu akamsifu Mungu.



8

Yohana alipokuwa mkubwa akawa kama Eliya, mtumishi mkuu wa Mungu.

Yohana aliwahubiria watu akiwaelezea kuwa Mwana wa Mungu anakuja hivi karibuni kuwabariki. Viongozi wayahudi hawakumpenda Yohana kwasababu aliwaambia, "Mtubu! Acheni kutenda dhambi." Hawakutaka kusikia kuhusu dhambi zao.



9

Watu wengine walimwita Yohana Mbatizaji kwasababu aliwatumbukiza watu ndani ya maji kuonyesha kuwa walitubu dhambi zao.

Siku moja Yesu akamjia Yohana ili ambatize. "Wewe ndiwe unatakikana kunibatiza," Yohana akasema. Lakini Yesu akamwambia, "Na itendeke." Na Yohana akambatiza.



10

Baada ya ubatizo wa Yesu, Yohana akaona Roho Mtakatifu akimshukia Yesu kwa mfano wa kiwiliwili. Hii ilikuwa ishara kutoka kwa Mungu. Yohana alijua kuwa Yesu alikuwa Mwana wa Mungu. Yohana alimwita Yesu Mwana Kondoo wa Mungu aondoaye dhambi ya dunia.



11

Yohana aliwaleta wengi kwa Mungu. Lakini Herode, mfalme mwovu, alimfunga Yohana gerezani. "Ni dhambi kwako kumchukua Herodia, mke wa ndugu yako kama mke wako," Yohana alimwambia Herode.



Herode alijua kuwa maneno haya yalikuwa kweli. Alijua kuwa Yohana alikuwa mtumishi wa Mungu, mtu mtakatifu. Lakini hakutaka kuacha dhambi. Na Yohana hakuacha kuhubiri kinyume na dhambi

hata kama alikuwa gerezani.


12

Katika sherehe ya kuzaliwa kwake, Herode alikuwa na sherehe kubwa. Binti yake Herodia akamchezea densi. Hii ilimfurahisha Herode sana. "Nitakupa kitu chochote utakacho," akamahidi. "Hata kama ni nusu ya ufalme wangu."



13

"Nitaitisha nini?" binti yule akafikiria. Mama yake mwovu aliyemchukia Yohana akamwambia atakachoitisha! Ilikuwa ya kutisha sana!



14

"Nipe kichwa cha Yohana Mbatizaji kwa sahani," binti yule akamwambia Herode. Alisikia vibaya, lakini hakuweza kuvunja ahadi yake. "Kata kichwa cha Yohana na ulete hapa," Herode akaamuru. Askari wake wakamtii.



15

Kwa huzuni marafiki wa Yohana wakazika mwili wake, mtu mjasiri wa Mungu na mwaminifu.



16

Mtu atumwa kutoka kwa Mungu

Hadithi kutoka kwa Neno la Mungu, Bibilia,

inapatikana katika

Luka 1, 3, Marko 6

"Kufafanusha maneno yako kwatia nuru."
Zaburi 119:130

17



37

60

18

Hii hadithi ya bibilia inatueleza kumhusu Mungu wetu wa ajabu aliyetuumba na anayetaka tumjue.

Mungu anajua tumetenda mambo mabaya, anayoyaita dhambi. Adhabu ya dhambi ni mauti, lakini Mungu anakupenda sana hata akamtuma mwana wake wa pekee, Yesu, Ili afe msalabani na aadhibiwe kwa dhambi yako. Alafu Yesu akafufuka na kuenda nyumbani mbinguni! Ukimwamini Yesu na kumwomba msamaha kwa dhambi yako, Atakusamehe! Yesu atkuja na kuishi ndani yako, na utaishi naye milele.

Kama unaamini huu ni ukweli, Sema haya kwa Mungu: Mpendwa Yesu, ninaamini kuwa wewe ni Mungu, na ulifanyika mtu ili ufe kwa ajili ya dhambi zangu, ili niwe na maisha mapya, na siku moja nitaenda kuwa nawe millele. Nisaidie nikutii na niishi kwa ajili yako kama mtoto wako. Amina.

Soma bibilia na uzungumze na Mungu kila siku! Yohana 3:16

19